

গণপ্রজাতন্ত্রী বাংলাদেশ সরকার
প্রবাসী কল্যাণ ও বৈদেশিক কর্মসংস্থান মন্ত্রণালয়
মনিটরিং ও এনফোর্সমেন্ট অধিশাখা
প্রবাসী কল্যাণ ভবন
৭১-৭২, পুরাতন এ্যালিফ্যান্ট রোড, ইন্সটন গার্ডেন, ঢাকা।
www.probashi.gov.bd

ভিজিলেন্স টাঙ্ক ফোর্সের (ভিটিএফ) সভার কার্যবিবরণী

সভাপতি : জনাব মোঃ নাজীবুল ইসলাম, অতিরিক্ত সচিব
প্রবাসী কল্যাণ ও বৈদেশিক কর্মসংস্থান মন্ত্রণালয়,
সভার স্থান : মন্ত্রণালয়ের মিনি সভাকক্ষ (৭ম তলা)
সভার তারিখ ও সময় : ২৪-০৯-২০১৮; সকাল ১০:৩০ ঘটিকা

সভায় উপস্থিত সদস্যবৃন্দের তালিকা : পরিশিষ্ট-ক
সভায় অনপস্থিত সদস্যবৃন্দের তালিকা : পরিশিষ্ট-খ

সভাপতি উপস্থিত সকলকে স্বাগত জানিয়ে সভার কাযক্রম শুরু করেন। সভায় নিম্নরূপ আলোচনা ও সিদ্ধান্ত গৃহিত হয়:

আলোচ্যসূচি	আলোচনা	সিদ্ধান্ত	বাস্তবায়ন
১. ভ্রাম্যমাণ আদালত পরিচালনা	<p>মন্ত্রণালয় : বছরে কমপক্ষে ১৮টি ভ্রাম্যমাণ আদালত ভিজিলেন্স টাঙ্কফোর্স কর্তৃক পরিচালনা করার বাধ্যবাধকতা রয়েছে। ২০১৭-১৮ অর্থ বছরে মোট ১৮টি ভ্রাম্যমাণ আদালতের অভিযান পরিচালিত হয়েছে। বিস্তারিত আলোচনার পর বর্তমান অর্থ বছরে আরও বেশি পরিমাণ ভ্রাম্যমাণ আদালত পরিচালনার অভিমত ব্যক্ত করা হয়। ভিটিএফ কর্তৃক ভ্রাম্যমাণ আদালত পরিচালনার সময় সংশ্লিষ্ট মন্ত্রণালয়/বিভাগের প্রতিনিধি উপস্থিত থেকে অভিযান পরিচালনার সুনির্দিষ্ট তথ্য প্রদান করতে পারবেন। ভ্রাম্যমাণ আদালতকে সহযোগিতা করতে সংশ্লিষ্ট প্রতিষ্ঠানের একজন কর্মকর্তা উপস্থিত থাকলে ভ্রাম্যমাণ আদালতের কার্যকারিতা বৃদ্ধি পাবে মর্মে সকলে একমত পোষণ করেন।</p> <p>হাব : জনাব মাওলানা ইয়াকুব শরাফত, প্রতিনিধি, হজ্জ্ব এজেন্সি বাংলাদেশ (হাব) জানান যে, দেশে অনেক এজেন্সি আছে যাদের কোন বৈধ কাগজপত্র নেই। অথচ তারা নিরীহ লোকদের সৌদি আরবসহ বিভিন্ন দেশে লোক পাঠানোর</p>	<p>(ক) অক্টোবর ২০১৮ মাসে সুবিধাজনক সময়ে একটি ভ্রাম্যমাণ আদালত পরিচালনা করা হবে। উক্ত আদালত পরিচালনার সময় স্বাস্থ্য অধিদপ্তরের প্রতিনিধিকে উপস্থিত থাকার জন্য অনুরোধ করা হলো।</p> <p>(খ) আগামী সভার পূর্বে হাব এর প্রতিনিধিকে অবৈধ বিজ্ঞাপন দাতাদের তথ্য এবং সাম্প্রতিক প্রকাশিত বিজ্ঞাপনের তালিকা প্রদানের অনুরোধ করা হলো।</p>	<p>(ক) মোবাইল কোর্ট পরিচালনাকারী নির্বাহী ম্যাজিস্ট্রেট ও সংশ্লিষ্ট দপ্তর/সংস্থার প্রতিনিধি</p> <p>(খ) হাব</p>

আলোচ্যসূচি	আলোচনা	সিদ্ধান্ত	বাস্তবায়ন
	<p>জন্য পত্রিকায় বিজ্ঞপ্তি দিচ্ছে। তিনি জানান, এসব ব্যক্তি বা এজেন্সির তথ্যাদি প্রদান করতে প্রস্তুত আছেন।</p>		
<p>২. অভিযোগ বক্স স্থাপন এবং বক্সের উপরে ১৯৯৯, প্রবাস বন্ধু কল সেন্টারের নম্বর, ফেসবুক ও ইমেইল এড্রেস প্রদান</p>	<p>(ক) মন্ত্রণালয় : প্রবাসী কল্যাণ ও বৈদেশিক কর্মসংস্থান মন্ত্রণালয়ের অনুরোধে আইএলও কর্তৃক গামকার নিয়ন্ত্রণাধীন মোট ৪৭টি মেডিকেল সেন্টারে অভিযোগ বক্স স্থাপন করা হয়েছে। স্থাপিত ৪৭টি বক্সে এ পর্যন্ত কোন অভিযোগ পাওয়া যায়নি।</p> <p>(খ) বিজিবি : বিজিবি প্রতিনিধি জানান যে, বিদেশ গমনেচ্ছু কর্মীগণ যেহেতু মেডিকেল সেন্টারে রাখা অভিযোগ বক্সে অভিযোগ দায়ের করতে অনিচ্ছা প্রকাশ করছেন, তাই মন্ত্রণালয়ের একজন নির্দিষ্ট কর্মকর্তার সেল ফোন নম্বর ও ই-মেইল আইডি নির্দিষ্ট করা যেতে পারে এবং ঐ নম্বর ও ই-মেইল আইডিতে অভিযোগ করার সুযোগ প্রদান করা যেতে পারে। এছাড়াও প্রবাস বন্ধু কল সেন্টার, বাংলাদেশ পুলিশের ১৯৯৯ নম্বর, ফেসবুক ও ইমেইল এড্রেস ভুক্তভোগী/বিদেশ গমনেচ্ছু কর্মীদের অভিযোগ প্রদান করার জন্য নির্ধারণ করা যেতে পারে এবং প্রত্যেক মেডিকেল সেন্টারে এ সংক্রান্ত স্টিকার লাগানোরও সুপারিশ করা হয়।</p>	<p>(ক) প্রতি ৩০ দিন পর পর অভিযোগ বক্স থেকে অভিযোগ সংগ্রহ করা হবে।</p> <p>(খ) বক্সের উপরে মন্ত্রণালয়ের একটি মোবাইল নম্বর ও ই-মেইল আইডিসহ পুলিশের ১৯৯৯ নম্বর, প্রবাস বন্ধু কল সেন্টারের নম্বর এবং ইমেইল এড্রেস সম্বলিত স্টিকার লাগানোর সিদ্ধান্ত গৃহীত হয়।</p>	<p>(ক) মনিটরিং ও এনফোর্সমেন্ট অধিশাখা</p> <p>(খ) আইএলও, ঢাকা</p>
<p>৩. মেডিকেল সেন্টারের কার্যক্রম পরিবীক্ষণ</p>	<p>মন্ত্রণালয় : প্রবাসী কল্যাণ ও বৈদেশিক কর্মসংস্থান মন্ত্রণালয় কর্তৃক রিক্রুটিং এজেন্ট ও মেডিকেল সেন্টারের কার্যক্রমসহ সংশ্লিষ্ট অন্যান্য কার্যক্রম মনিটরিং করার জন্য একটি Standard Operating Procedure নির্ধারণ করেছে। এছাড়াও একটি মনিটরিং ফ্রেমওয়ার্কও নির্ধারণ করা হয়েছে। মনিটরিং কার্যক্রম ফলপ্রসূ করার জন্য সংশ্লিষ্ট সকলের সহযোগিতা একান্তভাবে প্রয়োজন মর্মে সভায় এমমত পোষণ করা হয়।</p> <p>বাংলাদেশ পুলিশ, হাব ও স্বাস্থ্য অধিদপ্তর : এ বিষয়ে সর্বাত্মক সহযোগিতা প্রদান করা হবে মর্মে উপস্থিত প্রতিনিধিগণ আশ্বস্ত করেন।</p>	<p>মন্ত্রণালয়ের মনিটরিং কার্যক্রমে সংশ্লিষ্ট সকলের সহযোগিতা প্রদান করতে অনুরোধ করা হলো।</p>	<p>মনিটরিং ও এনফোর্সমেন্ট অধিশাখা</p>

আলোচ্যসূচি	আলোচনা	সিদ্ধান্ত	বাস্তবায়ন
৪. মেডিকেল সেন্টারসমূহে অভিযান	<p>মন্ত্রণালয় : সভাপতি জানান যে, বিদেশ গমনেচ্ছু বাংলাদেশী কর্মীদের স্বাস্থ্য পরীক্ষা সংক্রান্ত নীতিমালা, ২০০৮ প্রণয়ন করা হয়েছে যা ৫ ফেব্রুয়ারি ২০০৯ তারিখে গেজেট আকারে প্রকাশিত হয়েছে। কিন্তু গামকা আলোচ্য নীতিমালাটি নিয়ে মহামান্য হাইকোর্টে ৪৬৬৮/২০০৯ নম্বর রিট মামলা দায়ের করায় এ নিয়ে বেশি দূর অগ্রসর হওয়া যায়নি। মহামান্য হাইকোর্ট গামকাভুক্ত মেডিকেল সেন্টারসমূহকে একই নীতিমালার ৮ নম্বর নীতিতে বর্ণিত যন্ত্রপাতি ও জনবলের তথ্য প্রদানের জন্য নির্দেশ দেয়। কিন্তু এ পর্যন্ত এ ধরনের কোন তথ্য মহামান্য হাইকোর্টে গামকা জমা দিয়েছে বলে জানা নেই। স্বাস্থ্য অধিদপ্তর এ বিষয়ে অনুসন্ধান চালাতে পারে। এছাড়াও ভিটিএফ এর উপস্থিত সকল সদস্যকে বিদেশগামীদের প্রি-ডিপার্চার মেডিকেল টেস্ট সম্পাদনের সাথে জড়িত মেডিকেল সেন্টারসমূহের তালিকা প্রদান করা হয়।</p> <p>সভাপতি স্বাস্থ্য অধিদপ্তরের সম্মানিত প্রতিনিধি জনাব ডাঃ মাসুদ রেজা খানকে মেডিকেল সেন্টারসমূহের উল্লিখিত নীতিমালার ০৮ নম্বর নীতিতে বর্ণিত জনবল ও যন্ত্রপাতি রয়েছে কিনা সে বিষয়ে অনুসন্ধান চালানোর ব্যবস্থা নিতে সংশ্লিষ্ট কর্তৃপক্ষের দৃষ্টি আকর্ষণ করতে অনুরোধ করা হয়। মেডিকেল সেন্টারসমূহের নির্ধারিত যন্ত্রপাতি ও জনবল আছে কিনা তা ড্রাম্যাটিক আদালতকে পরীক্ষা করতে পারে মর্মে সভায় অভিমত ব্যক্ত করা হয়।।</p>	মহামান্য হাইকোর্টের আদালতের নির্দেশনা মোতাবেক স্বাস্থ্য অধিদপ্তর বিদেশ গমনেচ্ছু কর্মীদের স্বাস্থ্য পরীক্ষার কাজে নিয়োজিত মেডিকেল সেন্টারসমূহের পর্যাপ্ত প্রশিক্ষিত জনবল ও যন্ত্রপাতি রয়েছে কিনা সে বিষয়ে অনুসন্ধান চালাবে	স্বাস্থ্য অধিদপ্তর ও ড্রাম্যাটিক আদালত
৫. অবৈধভাবে বিদেশগমন প্রতিরোধ	<p>মন্ত্রণালয় : সভায় জানানো হয় যে, বিভিন্ন দালাল চক্রের সদস্যরা নিরীহ বাংলাদেশীদের বিদেশে প্রেরণের প্রলোভন দেখিয়ে অবৈধভাবে ইমিগ্রেশন ট্রাস করানোর প্রচেষ্টা চালাচ্ছে বলে খবর পাওয়া যাচ্ছে। সম্প্রতি বাংলাদেশ পুলিশের স্পেশাল ব্রাঞ্চ কিছু সংখ্যক বাংলাদেশীকে ইমিগ্রেশনে জিজ্ঞাসাবাদ করে জানতে পারে যে, তারা অবৈধভাবে মালয়েশিয়া যাচ্ছেন। এসবি জানায় যে, এসব যাত্রীরা ফিজি যাওয়ার ভিসা গ্রহণ করলেও তাদের কুয়ালালামপুর থেকে ফিজি যাওয়ার কোন অনওয়ার্ড বর্ডিং পাস প্রদান করা হয়নি। এ</p>	ঢাকা, চট্টগ্রাম ও সিলেট বিমানবন্দরের ইমিগ্রেশন পুলিশের তৎপরতা অব্যাহত রাখার জন্য অনুরোধ করা হলো।	স্পেশাল ব্রাঞ্চ, বাংলাদেশ পুলিশ

আলোচ্যসূচি	আলোচনা	সিদ্ধান্ত	
	<p>কারণে বাংলাদেশ পুলিশ নিশ্চিত হয় যে, এরা মালয়েশিয়ার উদ্দেশ্যেই বাংলাদেশ ত্যাগ করার চেষ্টা করেছিলেন। বাংলাদেশ পুলিশের এমন পদক্ষেপ অত্যন্ত প্রশংসনীয়। এ ধরনের অবৈধ অভিবাসন ঠেকাতে বাংলাদেশ পুলিশ এধরনের প্রচেষ্টা অব্যাহত রাখবে মর্মে সভায় প্রত্যাশা ব্যক্ত করা হয়।</p>		
<p>৬. বিবিধ</p>	<p>মন্ত্রণালয়</p> <p>(ক) অনিরাপদ অভিবাসন প্রতিরোধে প্রবাসী কল্যাণ ও বৈদেশিক কর্মসংস্থান মন্ত্রণালয় অনেক সং উদ্যোগ নিয়েছে। কিন্তু এসব উদ্যোগ বাস্তবায়নে নিম্নপদস্থ কর্মকর্তা/কর্মচারীগণ যথাযথ পদ্ধতি অনুসরণ করতে কিছুটা অসতর্ক হওয়ায় কোন কোন উদ্যোগ বিজ্ঞ আদালত কর্তৃক স্থগিত হয়েছে এবং কোন কোনটি চূড়ান্তভাবে বেআইনিও ঘোষিত হয়েছে।</p> <p>(খ) মন্ত্রণালয়ের ওয়েবসাইটে অনুমোদিত রিক্রুটিং এজেন্সির তালিকা এবং কোনটি অভিযুক্ত হলে তাও উল্লেখ করা প্রয়োজন মর্মে সভায় অভিমত প্রকাশ করা হয়।</p> <p>বিএমইটি :</p> <p>সংশ্লিষ্ট কর্মকর্তা-কর্মচারীদের দক্ষতা বৃদ্ধির কোন বিকল্প নেই। তাই, অনুসরণীয় পদ্ধতির উপর মন্ত্রণালয় ও মন্ত্রণালয়ের অধিনস্থ দপ্তর, সংস্থার কর্মকর্তা-কর্মচারীদের প্রশিক্ষণ প্রদানের ব্যবস্থা গ্রহণের জন্য বিএমইটি প্রতিনিধি অনুরোধ করেন। এছাড়াও তিনি বিভিন্ন দেশের ভিসার উপর প্রশিক্ষণ দিতে অনুরোধ করেন। এছাড়াও তিনি জানান যে, অবৈধ অভিবাসীরা দেশে ফেরত আসলে তাদের আউটপাস সংগ্রহের ব্যবস্থা নেওয়া আবশ্যিক।</p> <p>পররাষ্ট্র মন্ত্রণালয় :</p> <p>পরিচালক জানান যে,</p> <p>(ক) ১৮৪ জন বাংলাদেশী লিবিয়ায় সরকারের হেফাজতে আছেন। তাদের প্রত্যেকে ইউরোপে পাড়ি দেওয়ার আশায় দালালদের ১০ লাখ টাকা করে দিয়েছেন। এই ১৮৪ জন শীঘ্রই আইওএম এর সহায়তায় দেশে ফেরত</p>	<p>(ক) অনুকরণীয় পদ্ধতির উপর মন্ত্রণালয় ও মন্ত্রণালয়ের অধিনস্থ দপ্তর, সংস্থার কর্মকর্তা-কর্মচারীদের প্রশিক্ষণ প্রদানের ব্যবস্থা নিতে হবে এবং এক্ষেত্রে আইওএম সহযোগিতা নেয়ার প্রয়োজনীয় ব্যবস্থা নেয়া যায় মর্মে সিদ্ধান্ত গ্রহণ করা হয়।</p> <p>(খ) মন্ত্রণালয়ের ওয়েবসাইটে অনুমোদিত রিক্রুটিং এজেন্সির তালিকা (অভিযুক্ত হলে তা উল্লেখপূর্বক) প্রকাশ করতে হবে।</p> <p>(গ) সিরিয়া ফেরত ১৮৪ জন এবং মেক্সিকোতে আটক বাংলাদেশীর নাম, ঠিকানা প্রেরণ এবং আউট পাস সংগ্রহের ব্যবস্থা নেওয়া হবে।</p>	<p>(ক) অধিশাখা ও আইওএম</p> <p>(খ) প্রশাসন অধিশাখা</p> <p>(গ) পররাষ্ট্র মন্ত্রণালয় এবং মনিটরিং ও এনফোর্সমেন্ট অধিশাখা</p>

শীর্ষকসূচি	আলোচনা	সিদ্ধান্ত	বাস্তবায়ন
	<p>আসবেন। তাদের আউটপাস প্রদানের জন্য দূতাবাসের সাথে যোগাযোগ করার অনুরোধ জানান।</p> <p>(খ) আমেরিকায় পাড়ি জমাতে গিয়ে মেক্সিকোতে আটকে পড়া ৬৮৫ জন বাংলাদেশীকে ফেরত আনতেও অনুরূপ ব্যবস্থা গ্রহণ করতে হবে।</p>	<p>(ঘ) ইমিগ্রেশন পুলিশকে প্রয়োজনে রিভিউ আবেদন দাখিলের উদ্যোগ নিতে হবে।</p>	

আর কোন আলোচ্য বিষয় না থাকায় উপস্থিত সকলকে ধন্যবাদ ও কৃতজ্ঞতা জানিয়ে সভাপতি সভার সমাপ্তি ঘোষণা করেন।

(মোঃ নাজীবুল ইসলাম)

অতিরিক্ত সচিব

মনিটরিং ও এনফোর্সমেন্ট

ও

সভাপতি

ভিজিটেল টাফফোর্স (VTF)

স্মারক নং : ৪৯.০০.০০০০.০৫৫.৩১.০০৩.১৭.

তারিখ : -১০-২০১৮ খ্রিঃ


বিতরণ (জ্যেষ্ঠতার ক্রমানুসারে নয়) :

- ০১। পররাষ্ট্র সচিব, পররাষ্ট্র মন্ত্রণালয়, সেগুনবাগিচা, ঢাকা
- ০২। সচিব, জননিরাপত্তা বিভাগ, স্বরাষ্ট্র মন্ত্রণালয়, বাংলাদেশ সচিবালয়, ঢাকা
- ০৩। সচিব, সুরক্ষা ও সেবা বিভাগ, স্বরাষ্ট্র মন্ত্রণালয়, বাংলাদেশ সচিবালয়, ঢাকা
- ০৪। সচিব, বেসামরিক বিমান পরিবহন ও পর্যটন মন্ত্রণালয়, ঢাকা
- ০৫। সচিব, মহিলা ও শিশু বিষয়ক মন্ত্রণালয়, বাংলাদেশ সচিবালয়, ঢাকা
- ০৬। সচিব, ধর্ম মন্ত্রণালয়, বাংলাদেশ সচিবালয়, ঢাকা
- ০৭। মহাপরিচালক, বিজিবি, পিলখানা, ঢাকা
- ০৮। মহাপরিচালক, আনসার ও ভিডিপি, খিলগাঁও, ঢাকা
- ০৯। মহাপরিচালক, বাংলাদেশ কোস্টগার্ড, আগারগাঁও, ঢাকা
- ১০। মহাপরিচালক, জাতীয় গোয়েন্দা সংস্থা (এনএসআই), সেগুনবাগিচা, ঢাকা
- ১১। মহাপরিচালক, জনশক্তি কর্মসংস্থান ও প্রশিক্ষণ ব্যুরো, প্রবাসী কল্যাণ ভবন, ৭১-৭২, পুরাতন এ্যালিফ্যান্ট রোড, ইস্কাটন গার্ডেন, ঢাকা
- ১২। মহাপরিচালক, স্বাস্থ্য অধিদপ্তর, মহাখালী, ঢাকা
- ১৩। অতিরিক্ত আইজিপি, স্পেশাল ব্রাঞ্চ, মালিবাগ, ঢাকা
- ১৪। মহাপরিচালক, র‍্যাভ ফোর্স, সদর দপ্তর, ঢাকা
- ১৫। যুগ্মসচিব (রাজনৈতিক-০৩) শাখা, জননিরাপত্তা বিভাগ, স্বরাষ্ট্র মন্ত্রণালয়, ঢাকা।
- ১৬। উপসচিব (মনিটরিং/প্রশিক্ষণ), প্রবাসী কল্যাণ ও বৈদেশিক কর্মসংস্থান মন্ত্রণালয়, ঢাকা।
- ১৭। সিনিয়র সহকারী সচিব ও নির্বাহী ম্যাজিস্ট্রেট, প্রবাসী কল্যাণ ও বৈদেশিক কর্মসংস্থান মন্ত্রণালয়, ঢাকা।

- ১৮। সভাপতি, বায়রা, ১৩০, নিউ ইন্সটন, ঢাকা (দৃ: আ: জনাব মিজানুর রহমান ভূঁইয়া, যুগ্ম মহাসচিব)।
- ১৯। কান্টি ম্যানেজার, উইন-রক ইন্টারন্যাশনাল, হাউজ নং-০৭ (২য় তলা), রোড নং-২৩/বি, গুলশান-১, ঢাকা।
- ২০। কান্টি ম্যানেজার, আন্তর্জাতিক অভিবাসন সংস্থা (আইওএম), হাউজ # ১৩এ, রোড # ১৩৬, গুলশান-১, ঢাকা।
- ২১। সভাপতি/ মহাসচিব, এসোসিয়েশন অব ট্রাভেল এজেন্টস অব বাংলাদেশ (ATAB), সাত তারা সেন্টার (১৫তম তলা), ৩০/এ, নয়াপল্টন, ঢাকা
- ২২। সভাপতি, ট্যুর অপারেটর এসোসিয়েশন অব বাংলাদেশ (TOAB), ৫/২(১ম তলা), সংসদ এভিনিউ, মনিপুরীপাড়া, ঢাকা-১২১৫
- ২৩। সভাপতি, হজ্জ্ব এজেন্সিজ এসোসিয়েশন অব বাংলাদেশ (HAAB), সাতার সেন্টার (১৬ তম তলা, হোটেল ভিক্টোরী লিঃ), ৩০/এ, নয়াপল্টন, ভিআইপি রোড, ঢাকা
- ২৪। সভাপতি, GCC Approved Medical Centres Association (GAMCA), ২৫০৫/২৫০৬, মাদানী এভিনিউ, ভাটারা, ঢাকা
- ২৫। জনাব শেখ মোস্তাফিজুর রহমান, সহকারী পরিচালক, প্রবাসী কল্যাণ ডেস্ক, হযরত শাহজালাল আন্তর্জাতিক বিমান বন্দর, কুর্মিটোলা, ঢাকা।

অনুলিপি : কার্যার্থে ও জ্ঞাতার্থে

- ০১। মাননীয় মন্ত্রীর একান্ত সচিব, প্রবাসী কল্যাণ ও বৈদেশিক কর্মসংস্থান মন্ত্রণালয়, ঢাকা।
- ০২। সচিবের একান্ত সচিব, প্রবাসী কল্যাণ ও বৈদেশিক কর্মসংস্থান মন্ত্রণালয়, ঢাকা।
- ০৩। উপসচিব (সেবা), প্রবাসী কল্যাণ ও বৈদেশিক কর্মসংস্থান মন্ত্রণালয়, ঢাকা
- ০৪। অতিরিক্ত সচিব (প্রশাসন) এর ব্যক্তিগত কর্মকর্তা, প্রবাসী কল্যাণ ও বৈদেশিক কর্মসংস্থান মন্ত্রণালয়, ঢাকা।
- ০৫। অতিরিক্ত সচিব (কর্মসংস্থান) এর ব্যক্তিগত কর্মকর্তা, প্রবাসী কল্যাণ ও বৈদেশিক কর্মসংস্থান মন্ত্রণালয়, ঢাকা।
- ০৬। অতিরিক্ত সচিব (মনিটরিং ও এনফোর্সমেন্ট) এর ব্যক্তিগত কর্মকর্তা, প্রবাসী কল্যাণ ও বৈদেশিক কর্মসংস্থান মন্ত্রণালয়, ঢাকা।
- ০৭। যুগ্মসচিব (মিশন ও কল্যাণ) এর ব্যক্তিগত কর্মকর্তা, প্রবাসী কল্যাণ ও বৈদেশিক কর্মসংস্থান মন্ত্রণালয়, ঢাকা।
- ০৮। অফিস কপি।


জারিফ আহমদ

উপসচিব (মনিটরিং ও এনফোর্সমেন্ট)

ফোন : ৯৩৪৪৫৪৬